

蒙
古
游
牧
記

蒙古游牧記卷之十二

平定張 穆譔

光澤何秋濤校

青海額魯特蒙古游牧所在

青海和碩特部

今作霍碩特

在西甯邊外至京師五千七十

里東及北界甘肅西界西藏南界四川表延二千餘里

本禹貢西戎地

禹貢織皮昆侖析支渠搜西戎卽敘鄭康成曰衣皮之民居此昆侖析支渠搜

三山之野者皆西戎也昆侖謂別有昆侖之山非河所出者也馬融曰昆侖在臨羌西析支在河關西王氏後

案曰傳記言昆侖凡四處一爲河源釋氏西域記謂之阿耨達山禹本紀所云昆侖者是也一在海外西海之

南流沙之濱與條支大秦相近禹本紀云去嵩高五萬里者是也一在酒泉漢志金城臨羌縣西有弱水昆侖

山祠崔鴻十六國春秋張駿時酒泉太守馬岌上言酒泉南山卽昆侖之體周穆王見西王母樂而忘歸謂此山也一在吐蕃劉元鼎謂之悶摩黎山東距長安五千里其非禹貢之昆侖明甚鄭意蓋以臨羌之昆侖爲西戎所居與馬合逸周書王會解正西有昆侖等九國孔鼉注云九者西戎之別名是也鄭以析支渠按皆山名馬云析支在河關西者水經注云自析支以西濱於河首羌居其右河水東流屈而東北逕於析支之地是爲河曲矣後漢西羌傳云西羌之本出自三苗其國近南岳及舜流四凶徙之三危河關之西南羌地是也濱於賜支至乎河首緜地千里皆羌地賜支者禹貢所謂析支者也南接獨漢徼外蠻夷西北接鄯善車師北音讀析如賜故一作賜支其地後爲党項所居通典云党項羌在古析支之地漢西羌之別種北連吐谷渾是也漢河關縣在今西甯府西甯縣西南塞外地也渠按亦西戎周書王會云渠按以鬪犬孔鼉注渠按西戎之別名也是夏殷周皆屬西羌詩商頌自彼氏羌莫敢不來享也漢書羌無弋爰劍者秦厲公時入三河閒諸羌推以爲豪至曾孫忍忍子研至豪健故羌中號其後爲研種

漢爲張掖武威金城隴西四郡之西塞外及蜀郡之北

徼外屬先零燒當等諸羌地後漢書西羌傳武帝時先零與封養牢姐種結盟與

匈奴通漢遣將軍李息郎中令徐自爲將兵擊平之始

置護羌校尉羌乃去湟中依西海鹽池左右宣帝時先

零種豪度湟水與諸羌寇金城遣趙充國破平之至研

十三世孫燒當立元帝時之姐等七種羌寇隴西遣馮

奉世擊降之從爰劍種五世至研研最豪健自後以王

研爲種號至燒當復豪健其子孫更以燒當爲種號持

莽時始置西海郡漢書王莽傳莽遣中郎將平憲等持金幣誘塞外羌豪良願等獻鮮水海

允谷鹽池莽受所獻地爲西海郡後漢書西羌傳莽西海郡五縣歷後漢魏晉皆諸羌

所居後漢書西羌傳自爰劍後子孫支分凡百五十種其九種在賜支河首以西及在蜀漢徼北其五十

二種衰少不能自立其八十九種惟鍾最强盛發羌唐

旄等絕遠未嘗往來羗牛白馬羌在蜀漢其種別名號

皆不可東晉以後又爲吐谷渾所據晉書西戎傳吐谷渾慕容廆之庶長

紀知也

兄也。父涉歸，分部落一千七百家。以隸之涉歸卒，鬼嗣二部。馬門吐谷渾乃度隴而西，其後子孫據有西零。以西甘松之界極乎白蘭，數千里。以吐谷渾爲民，周書異域傳。自吐谷渾至伏連籌十四世，伏連子夸呂始自號爲可汗。治伏俟城，在青海西十五里。東西三千里，南北千餘里。隋大業五年，平吐谷渾。

置西海河源等郡。隋末吐谷渾復據其地。

隋書煬帝紀大業五年置

西海河源鄴善且末等四郡。又吐谷渾傳煬帝令親王雄守文述擊伏允，大破其衆。其故地皆空。自西平至臨羌城以西，且末以東，祈連以南，雪山以北，東西四千里。南北二千里，皆爲隋有。置郡縣鎮戍。大業末伏允復其地。唐初擊破之。唐書吐谷渾傳：伏允相天柱王用事，拘

行軍大總管侯君集、李道宗、李道彥、李大亮、高甌生並爲總管。擊吐谷渾，分二軍。靖與大亮、薛萬均以一軍趣北出其右，君集、道宗以一軍趣南。出其左，靖破天柱王部落於赤海，伏允走。圖倫磧萬均又追破之。君集、道宗行空荒之地二千里。盛夏降霜，乏水。艸土糜冰，馬秣雪。閏月次星宿川，達柏海上。望積石山，觀鹽河源，馳破虜

車重兩軍會於大非山破選真谷伏允子順斬天柱王奉國降伏允懼遁磧中自盡詔封順西平郡王號趙胡

呂烏足龍朔三年吐蕃滅吐谷渾盡有其地唐書吐谷渾傳吐谷

甘可汗龍朔三年吐蕃滅吐谷渾盡有其地唐書吐谷渾居甘松山之陽洮水之西南抵白蘭地數千里自晉

永嘉時有國至龍朔三年吐蕃取其地凡三百五十年及此封嗣絕矣宋亦爲吐蕃地元爲貴德州及吐蕃朵甘思等

處屬吐蕃等處宣慰司明爲西番地一統志明洪武十

刺巴等七人來歸賜文綺寶鈔青海又曰西海水鹹正

豐美番人環居之專務畜牧日益繁滋素號樂土一統志蒙古亦

德四年始爲蒙古部酋所據名爲海寇不刺及阿爾禿

厥獲罪其生擁眾西奔厥知青海饒富襲破之大肆焚

掠番人多遠徙其留者反爲所役屬自是甘肅西甯始

有海寇之患正德九年總制彭澤擣其巢寇遁走烏思

藏及大軍還亦不刺仍返海上惟阿爾禿且撫且剿洮岷

八年洮岷諸番數犯邊九年總制王瓊且撫且剿洮岷

獲甯而西甯仍苦寇患惟卜兒孩一枝斂眾自保後北

部俺荅又美青海富饒攜子賓圖丙免等數萬眾襲據其地下兒孩竄走已而俺荅引去留丙免據青海隆慶中俺荅受封順義王西甯亦安自丙免據青海後俺荅從孫切盡台吉火落赤及兄子永邵卜同居青海萬厯中又時時寇邊國初顧實汗自西北侵有其地顧實爲患勢亦駸衰

汗者元太祖弟哈布圖哈薩爾七傳至阿克薩噶勒泰子二長阿魯克特穆爾今內札薩克科爾沁札賚特杜爾伯特郭爾羅斯阿魯科爾沁四子部落茂明安烏喇特八部其裔也次烏魯克特穆爾九傳至博貝密爾咱稱衛拉特汗子哈尼諾顏洪果爾繼之有子六圖魯拜琬其第四子也號顧實汗既據有青海青海在西甯邊外四五百餘里古名西海曰鮮水海亦曰仙海古音讀西如鮮如仙故先零亦謂之西零也漢書地理志金城郡臨羌西北至

塞外有仙海鹽池。趙充國傳：酒泉太守辛武賢奏言：可分兵出張掖，酒泉合擊罕开，在鮮水上者，又上以書救讓充國曰：鮮水北去酒泉八百里，又充國上屯田，奏曰：治隍，隍以西道橋七十餘所，令可至鮮水。又王莽傳：中郎將平憲等奏言：羌豪良願等願爲內臣，獻鮮水海。允谷鹽池，平地美艸，皆子漢民。北魏始名曰青海，亦謂之卑禾羌海。水經注：湟水東逕西海鹽池北，又東南逕龍夷城，又東逕卑禾羌海。北有鹽池，關駟曰：臨羌縣西有鮮禾羌海，世謂之青海。東去西平二百五十里，是也。海周回七百五十餘里，中有二山，一曰魁孫陀羅海，峯巒純白，上有小廟，廟內番僧於冰合時取出一年之糧，入居焉。一曰察罕哈達，近西岸，其峯卑小，多土少石。二山東西對峙，水色青綠，中流高起，冬夏不枯，不溢。魏書：吐谷渾傳：青海周圍千餘里，海內有小山，舊唐書：吐谷渾傳：青海周圍八百餘里，明統志：青海方數百里，有魚無鱗，皆負黑點，西游亥字七十二道水，滙爲西海，冬夏不溢，不乾，自日月山望之，如黑雲，拜拜而來，以今證古。載記略同也。惟海中古出名馬，今則未聞。魏書：吐谷渾傳：海內小山，每冬冰合處，以良牝馬置此山，至來春收之，馬皆有孕，所生得駒，號爲龍種，必多駿異。吐谷渾嘗

得波斯草馬放入海。因生驄駒。能日行千里。世傳青海
驄者是也。隋書楊帝紀。大業五年。置馬牧於青海。渚中
以求龍種。無效而止。然則天馬來西。信屬太乙奇況矣。
青海番名庫庫諾爾。舊圖作呼呼騰兒。元史憲宗紀。四
年。甲寅。曾諸王於額爾騰兒之西。乃祭天於日月
山。額爾今亦譯改爲庫庫蓋。己確知其爲青海矣。而并
改金山。以北之稱海爲青海。斯大謬耳。本朝雍正二
年。大軍征賊黨阿喇布坦。溫布等。追至諾爾北岸。伊克
哈爾吉河。時人馬渴甚。求水不得。忽有泉從營前涌出。
咸淡土馬就飲。得不困。眾歡呼奮勇。遂獲賊首。督臣以
青海飲風奏聞。詔封青海之神。立碑致祭。文曰。
惟神位協坎離。德符兌澤。鯨波萬頃。繫回環。昧谷之經。
鯉浪千重。衍溢被流沙之域。屬幅員之繇互。徧蕪桑。麻
派潮波之往來。周茲墳壤。載以天戈。奮武川后。效靈涌
泉。驚蔬勒之奇飲。馬屆元冥之候。爰從顯號。式拊豐碑。
朕眷乃神功。昭茲美報。涵濡布潤。禱祈既洽。於輿情。勞
苾薦誠。望秩宜歸。於祀典。祇申秋享。特詔祠官。於戲。配
殷禮於瀆宗。具著隆文之備。助資生於邊徼。永徵靈贖。
之長格。奉明禱。尙其來格。檢討李學錦詞也。理藩院則
例。青海年例祭海。該處王公等例。應齊集陪祀。無故不

到者由該大臣奏罰札薩克俸三年其故城有西
海郡城二一爲王莽置在青海東漢書王莽傳元始五
年羌豪良願獻鮮水海允谷鹽池爲西海郡後漢書西
羌傳王莽諷諸羌使共獻西海之地初開以爲郡築五
縣邊海亭燧相望及莽敗眾羌遂還據西海永元時西
海及大小榆谷左右無復羌寇隃麋相曹鳳上言宜及
此時建復西海郡於是拜鳳爲金城西部都尉將徙士
屯龍耆永初中諸羌叛乃罷魏志郭淮傳正始九年涼
州名胡治無藏圍武威淮進軍趨西海與戰於龍夷之
北破走之水經注河水又東自河曲逕西海郡南又湟
水東南流逕龍夷城故西零之地也十三州志曰城在
臨羌新縣西三百一十里王莽納西零之獻以爲西海
郡治北城一爲隋置在青海西十五里卽吐谷渾之伏
俟城魏書吐谷渾自正光後關微不通伏連籌子夸呂
始自號爲可汗居伏俟城在青海西十五里雖有城郭
而不居恆處穹廬隋書地理志大業五年平吐谷渾置
鄯善郡并置且末西海河源總四郡西海郡置在古伏
俟城卽吐谷渾國都統宣德威定二縣唐書吐谷渾傳
隋煬帝破其眾置郡縣鎮戍隋亂因得復故地李靖傳
軍次伏俟城吐谷渾退保大非川是也有河源故郡在

青海南本吐谷渾赤水城隋大業五年置唐初廢隋書
宇文述傳述以兵屯西平臨羌城吐谷渾西道追至曼
頭城攻拔之至赤水城復拔之地理志河源郡置在古
赤水城有曼頭城統達化赤水二縣其山有十三山
曰阿木尼塞爾秦山在青海東南曰阿木尼末倫山在
青海東曰阿木尼那凌通布山在青海西南其峯尖直
故名曰阿木尼巴延尊崔山曰阿木尼洞舒山曰阿木
尼天心察罕山其峯甚峻無雪而白故名曰阿木尼兀
善通布山皆在青海西北曰阿木尼巴爾布安山在青海
北二百餘里其山甚大曰阿木尼岡噶爾山在青海東
西其峯高險色黑故名曰阿木尼岡噶爾山在青海東
北近甘涼二州之邊又名龍壽山曰阿木尼扣打古爾拉
山在涼州邊外又名大荒山曰阿木尼扣打古爾拉山
在黃河東岸哈爾吉山東山有二峯獨高積雪不消其
一爲阿木尼麻禪母孫山即大雪山也番語稱祖爲阿
木尼西海十三山番俗皆分祭之而以大雪山爲最四
時禱祀焉又有察罕陀羅海烏爾圖山在青海西南烏
爾圖凡環繞青海之濱者亦有十三山土人皆名烏爾
圖謂之三角云又有漢陀羅海山在青海西南五十里
里曠野中有索克圖山在青海西其西南五十里又有

一索克圖山地多瘴氣兼生毒艸有烏克陀羅山高峯
壁立在青海西南有固爾班伊瑪圖山在黃河西岸青
海西南三百餘里三山相接皆名伊瑪圖繞濁羅池西
有蘇羅巴顏喀喇山在伊瑪圖山東北有石崖色黑多
冷瘴故名其兩嶺有巴爾陀羅海岡在青海南百里
黃河北岸有巴漢哈圖嶺近青海南岸有伊克哈圖嶺
在巴哈圖嶺東有察察嶺在巴哈圖嶺西南有納
布楚爾嶺在察察嶺東有蘇羅嶺在青海南少西二百
餘里創蘇羅巴顏喀喇山之東支有登諾爾台嶺在黃
河西岸蘇羅嶺東有忒門呼圖嶺在施孫池東南東北
去蘇羅嶺百餘里有海努克嶺在青海東南有布呼圖
嶺在青海東北有烏蘇圖按吉嶺在青海西百餘里有
殷得爾碧柳圖嶺在青海西南相近又有好來嶺有烏
爾布拉克嶺在青海西南二百餘里其水有和爾河
在青海東南源出納拉薩拉嶺西北流一百餘里入青
海有哈爾濟河在青海北少東源出青海北岸哈爾濟
山東南流入十餘里入青海有伊克烏蘭和碩河在青
海北源出巴顏山南流入十餘里入青海其西七十餘
里有巴哈烏蘭和碩河南流六十餘里入青海有布喀
河詳北右末旗下其池有巴顏池在青海東南周四

十餘里有羅池在青海西南三百五十餘里周一百五十餘里分部眾爲左右二翼

子十人領之左境東自西甯邊外棟科爾廟舊圖作冬科拉廟又

作董郭爾廟在喇沙爾閭門外博羅沖克必拉北界西至嘉峪關邊外洮賚河

界八百餘里洮賚亦作滔來陶賴討來在肅州南下流合張掖河即古呼蠶水也漢書地理志福

祿縣呼蠶水出南羌中東北至會水入羌谷寰宇記呼蠶水名潛水俗謂之福祿河西南自吐谷渾界流入

肅州志討來河水與城東水磨渠同派至威虜城又名廣福渠又東至岔口與鎮夷黑河合流一名天倉河在

德東北三百里一統志按輿圖今討來河發源州西南五百餘里番界中有三派最西曰討來河其西又有哈

土巴爾呼河北流百餘里與討來河合又東北百餘里南有巴哈額濟內二河分流二百里許合流又北數十

里與討來河會爲一又東北流二百餘里入邊繞州南至州東北合西來之水又東北出邊過金塔寺稍折而

北又轉東與張掖河合又北五百餘里入居延海那彥成平番奏議肅州鎮討賴川馬廠輿圖說討賴川馬

廠距肅州城四百餘里，在南山之中。其川東西長二百餘里，南北寬五六十里不等。中爲討賴河，兩岸皆艸地。營孽九廠，分布其間。此廠至彼廠，相距三四五六十里不等。迤南界牌外名素勒，地甚遼闊，係青海蒙古遠出游牧之地。東去巴思洞，卽通甘州野馬川。西接關外之青頭山，從廠北來，道路崎嶇，兼有瘴氣，人馬難行。三百里外，出山抵金佛寺，始平夷坦途也。又查辦漢奸摺奏稱：此輩奸民多在甘州之邊境野馬川一帶，該處毘連甘涼肅三府州南與西甯之大通接壤，環山面河，東西長徑四五千里，向係甘州肅州兩營馬廠地方遼闊，其中之野牛溝、八寶山等處，產有金沙，雖經查禁，而南自利之所在，奸民潛行偷挖，聚散無常，竟成盜藪。而南自西甯邊外博羅充克北岸，博羅充克河源流詳北後南左翼末旗游牧下

至涼州邊外西喇塔拉界四百餘里，東南自西甯邊外

拉喇山，一統志納拉薩拉嶺在西甯邊外八十七里，其西有齊布泰爾嶺相近，又有哈拉嶺接拉喇山

卽哈拉嶺也。西北至甘州邊外額濟納河四百餘里，額濟納舊圖作

厄几假在阿拉善王旗西界。平番奏議永安營所屬之察漢俄博地方在甘州扁都口外西接野馬川野牛溝東連二道溝羊圈子爲漢奸往來必由東北自永昌之路迤南伊斯們沁之外卽係蒙古牧界。

邊外西南至嘉峪關邊外布隆吉爾河岸二千餘里。

吉爾河在今安西州北卽南籍端水也漢書地理志真安縣南籍端水出南羌中西北入其澤元和志晉昌縣

冥水自吐谷渾界流入大澤東西二百六十里南北六十里豐水艸宜畜牧一統志按輿圖及新志今有蘇賴

河亦名布隆吉河發源靖道衛南山曰昌馬河北流轉而西經柳溝衛北會十道溝水爲蘇賴河又西經安西

衛北三里又西經沙州衛西北黨河自南來注之又西流三百里許猪爲合拉池其流長七百餘里池方數十

里卽古南籍端水也今三衛屯田俱藉此水灌溉方略康熙五十四年四月理藩院議青海左翼與哈密相

近右境東自棟科爾廟西至噶斯池界二千五百餘里

噶斯池在黃河上流鄂靈海東北固爾班蒙涼陀海山東南六十餘里有三池一名鄂博圖噶斯池周二十五

里一名多木達噶斯池周十五里一名察罕噶斯池周十餘里俱在黃河鄂博池之東番名固爾班噶斯池方略康熙五十三年鑾儀使董大成疏言臣至噶斯池巡視絕無來往人迹噶斯地勢三面雪山中有一綫水艸並蘆葦其大路在下特爾西南走藏東南走青海西南大通河半月卽到永固城西北走柴達木吐魯番等處乃策妄阿喇布坦出入咽喉要路是以臣於九月十一日移駐得卜特爾五十四年大成又奏言臣於六月二十二日從肅州出嘉峪關自關至噶斯口三千餘里行至常馬爾河山水暴發馬匹多傷今於八月十二日抵噶斯口奉旨白邊上至噶斯口一千七百里會經河南達奏過何以稱有三千餘里噶斯口路徑甚窄策妄阿喇布坦斷不由彼行走今正寒冷之時者董大成將噶斯口池內放火燒荒餉兵回肅州五十五年七月阿齊圖疏言自噶斯口過達卜遜戈壁南自松潘有地名噶順可進塞爾騰地方此處當設兵南自松潘邊外漳臘嶺嶺南流入松潘廳界南合大江廳北四十里有漳臘營設遊擊駐防明嘉靖二十年於此築城堡置官軍雍正七年重脩方略康熙五十七年正月四川

松潘鎮總兵官路振揚疏言松潘所屬黃勝關無斥候
向於漳臘營設一游擊統兵六百四十駐劄營轄番
迤南爲襍谷安撫土司部種繁多俗號勇悍其南境直
抵打箭爐與天全招討司明正土司接壤李殿圖番
行祿詠詩羊嶺鷲溪古戰場黃頭九百緒調房正嘉刺
撫均無策漳臘何曾是大荒白注前明洪武十二年丁
玉併潘於松置松州衛諸司入貢累朝叛服無常其甚
者宣德年間千戶錢宏調發征交趾激變番人正德年
間松潘熟番八大漢等作亂嘉靖年間土宣撫使薛兆
乾與副使李蕃相仇訐糾眾脅僉事王華不從屠其家
惟宏治七年巡撫張瓚破白羊嶺鷲溪等三十一寨招
商巴等二十六族皆納款十四年攻青水黃頭諸寨楮
其朔房九百差強人意萬曆年間雪山國師喇嘛等四
十八寨寇漳臘史稱漳臘以北皆爲大荒則當時剿撫
可知自我朝龍安置守漳臘置鎮北至博羅充克克
松潘置番番人宿盜與齊民無異矣

河南岸千五百餘里東南自洮州邊外達爾濟嶺達爾

卽一統志之托禮嶺也在洮州衛邊外洮河發源西北
處卽西傾山之脊嶺最高大其上平且柳木茂盛西北

至嘉峪關邊外塞爾騰西爾噶拉金界二千餘里

塞爾騰海

在舊沙州衛西南三百餘里水出雪山之陰西北流

爲澤爲青海要道西兩磧拉金河卽黨河在沙州衛西

古氏置水也漢書地理志龍勒縣有氏置水出南羌中

東北入澤溉民田一統志按輿圖今有黨河亦名西勒

哈金河發源衛東南山中北流二百餘里折西流百餘

里會南來一水又折北流繞沙州舊城之東新城之西

流百餘里入蘇賴河溉東北自西甯邊外克騰庫特爾

田甚廣當卽古氏置水

西南至穆魯烏蘇河千五百餘里

穆魯烏蘇舊圖作呼魯烏蘇又作胡胡烏

蘇在黃河西大雪山北源出索諾木達什嶺北流四十

餘里折東北一百餘里又合南來之密刺河北來之薩

爾哈卜齊海阿爾昂諸水

東流三十餘里入黃河

崇德二年遣使通貢七年復

偕達賴喇嘛奉表貢順治三年賜甲冑弓矢俾

轄諸額魯特十年封遵文行義敏慧顧實汗賜

金冊印康熙三十七年顧實汗第十子達什巴圖爾來

朝。詔封和碩親王。時顧實汗諸子皆前死。諸台吉授貝勒

貝子公等爵有差雍正元年達什巴圖爾子羅卜藏丹

津叛大軍討之越歲而定。康熙五十七年羅卜藏丹津

入藏歸覲為唐古特長陰約策妄阿喇布坦援已復約

青海台吉等盟察罕托羅海令如所部故號而自號達

賴琿台吉以統之世宗愍皇帝以和碩特自相

殘不忍遠加兵時兵部侍郎常壽駐西甯理青海務

命傳諭羅卜藏丹津罷兵不從則懲之羅卜藏丹

津詭言親王察罕丹津郡王額爾德尼額爾克托克托

爾謀據唐古特諸台吉不服將率兵與決勝負蓋以二

王首不附已欲誣以罪因脅諸台吉奉已如鄂齊爾汗

駐唐古特以遙制青海也上察其詐決計討之

命川陝總督年羹素為無遠大將軍統兵進剿

羅卜藏丹津竄準噶爾逆黨悉監送京師及乾隆二十

年大軍剿達瓦齊抵伊犁羅卜藏丹津就擒高

宗純皇帝告祭

太廟

社稷行獻俘禮

御午門樓受之以

世宗憲皇帝有宥罪之旨

授藍翎侍衛餘戚屬處伊犁者免內徙

詔定游

牧地界

方略康熙五十八年五月差往西吉木等三處

地界時貝子阿喇卜坦並其所屬台吉阿爾薩郎及貝

勒額爾德尼額爾克等會同西吉木等三處官示以設

立置界情狀據云青海人等荷恩甚厚何惜隙地

地可耕者聽兵民悉耕之但留我等游牧處所足矣臣

案西吉木等三處故爲西喇郭勒蒙古部人游牧所在

兵民先已耕種其隙地令蒙古人等游牧如故達里圖

地有車臣貝勒屬人與兵民依水道相濩耕種以西吉

木水源並渾泥艸埽地不可耕蒙古人等游牧其閒循

水而下則兵民與貝勒額爾德尼額爾克及貝子阿喇

卜坦等屬人悉在兩岸交錯種植地臣卽會同所司並台

吉宰桑等令於交錯耕種處立界不得逾越平番奏

議查自雍正年間平定青海插旗定地以黃河爲界河

河北二十五旗蒙古河南有五旗蒙古其餘均屬番族而

偏坦蒙古。盡與善地。常有垂涎。河北之心。當其始分。族而居。每族不過百餘戶。或數十戶。地廣人稀。游牧尚可。相容。迨後。丁口日繁。互有強弱。搶劫蒙古。乃其世仇。覲銀河北。亦其素志。而今之蒙古。衰弱已極。不但不能自強。且均逃散。乞食窮苦。實在可閔。云云。按後奏議。又謂河南四旗。較河北稍爲富強。然則貧弱者。止土爾扈特西旗一。三年一貢。分三班。九年而周。置互市於西甯西。川口外之納喇薩喇地。蒙古謂曰納喇月。曰薩喇。卽四川口外西南八十七里。方略雍正二年四月。奮威將軍岳鍾琪奏言。大將軍年羹堯前奏稱。每年青海與內地。定於二八月貿易。以那喇薩喇爲交易所。經議政大臣議改。令四季交易。甚便。按親王察罕丹津公拉察。卜等。諸台吉。並居黃河之東。迨近河州。去松潘不遠。向在河州。松潘二處貿易。今若定於那喇薩喇。恐黃河東西兩翼。蒙古所居。有無不足。供給不如。仍於河州松潘貿易爲便。河州定於土門關附近。雙城堡。松潘定於黃勝關之西。河口二地。並有城堡。房屋。地形寬濶。水岬豐。妊。可爲永遠互市之所。又郡王額爾德尼額爾克托克。

托爾郡王塞爾騰札爾等請台吉部落在黃河西近西
寧請移其貿易地於西甯口外丹噶爾寺至蒙古貿易
悉資牲畜請於每年六月以後聽其隨時貿易則蒙古
商販並獲准行。又乾隆九年七月甘肅巡撫黃廷桂
奏言西甯口外日月山西南地名沙刺庫圖爾距丹噶
爾六十餘里乃番族出沒經出之處其地孤懸口外氣
候甚寒不能耕種。平番奏議嗣後無論何州縣羊客
與河北蒙古買羊易貨止准於西甯縣屬日月山卡以
內東科爾寺丹噶爾及大通縣屬之
烏什溝察罕俄博等處互相交易。如內蒙古例編置
佐領以札薩克領之。凡青海和碩特二十一旗西前旗

札薩克親王品級多羅郡王游牧願寶汗第六子多爾
濟之次子策旺喇布坦號達賴岱青嗣父爲和碩特八
台吉之一。康熙三十六年來朝。四十二年封多羅郡王。
四十四年子額爾克巴爾珠爾襲。四十五年爲諸昆弟

所迫自戕死于朋素克旺札勒降襲多羅貝勒雍正三年授札薩克四年來朝仍封郡王乾隆四十七年

詔世襲罔替

佐領八

五十六年朋素克旺札勒孫索諾

木多爾濟以功

賜親王品級

因官兵征廓爾喀豫備駝馬巡查驛

站收地

按舊圖此爲公停多布達喜牧地

在布喀河南岸

布喀河詳後北右末旗下

東至烏圖起爾沙陀羅海

接北末旗界

南至西拉庫圖爾果

庫圖爾

接玉樹番界

平番奏議青海大臣所管玉樹

族承當遞送公文濟渡等差不納貢賦外其餘三十九族計八千三百六十九戶每年每百戶納馬一匹折銀

八兩

西至察罕烏蘇呼魯恭納

接班禪額爾德尼商上堪布駐牧界

北至布

喀河濱納令希楞

接甘州府邊外界

前頭旗札薩克多羅郡王

游收碩實汗第五子伊勒都齊。有子二。長罕都。再傳嗣。絕。次博碩克圖濟農之第三子曰察罕丹津。號岱青和碩齊。康熙四十年來朝。封多羅貝勒。五十六年。晉封郡王。五十九年。從大軍送達賴喇嘛入藏。雍正元年。敘功。封和碩親王。三年。授札薩克。十三年卒。子惇多布旺札勒先卒。嗣絕。

詔以察罕丹津從子拉察布之子旺舒克嗣。子旺丹多爾齊。帕拉木繼襲爵。嗣復絕。

詔以旺舒克從子納罕多爾濟降襲多羅郡王。永察

罕丹津祀。乾隆四十七年。

詔世襲罔替。

佐領十一。初察

罕丹津之弟根特爾娶噶爾丹之女布木爲妻。詔屢索之。察罕丹津嗣立。籲請免解。

上鑒其誠

論令完聚根特爾卒子丹衷嗣初授輔國公以大軍自
青海討準噶爾遣所部助獻糧餉復以兵從至藏論功

晉封固山貝子

卒無子

上不忍納論曰丹衷實心效力身故

眾及牧地

嗣絕朕富有天下四海為家豈有利其所屬之理著四

川總督岳鍾琪遣員會同禮薩克等察明戶口數目歸

察罕丹津轄務牧地初察罕丹津及羅卜藏丹津領青

使各得其所牧地海右翼察罕丹津牧河東近松潘

羅卜藏丹津牧河西近布隆吉爾以河為界方略察

罕丹津所居去松藩止四五日程平番奏議蒙古札

薩克郡王達什仲鼐等四旗均在河南較河北各旗稍

為富強而在河南日與番子尋讎臣等籌商莫若將該

四旗移之河北空地助勒蓋一帶與各蒙古屬酋相依

既可免野番滋擾又可作內地屏藩奉旨是先

示番賊以弱不可輕議更張事遂寢案達什仲鼐者前

罕多爾濟之子四旗者和碩特前頭旗及南左翼中旗

南右翼中旗土爾南當黃河之曲有小哈柳圖河入於

冠特南前旗也

黃河黃河重源再顯於巴顏喀喇山之東麓二泉流數

里合而東南流曰阿爾坦河阿爾坦蒙古言金也

水色微黃似之。東北流三百餘里，至鄂屯塔拉，爲古星宿海。元史所謂火悼腦兒也。直西甯邊外西南千一百餘里，星宿海於羣山環繞中，有地平曠，可三百里。泉干百泓，隨地涌出，大小錯列，望若列星。阿爾坦河自西南來，皆匯入焉。東北流百餘里，又東南注札凌海。海周三百餘里，東西長，南北狹，河互其中而流。番語謂白爲札長爲凌，以其水色白也。而錢氏站遂從而爲之詞。曰所謂河出昆侖，虛色白也。不思阿爾坦已言水色似金，何緣行至此復納色白之稱。蓋昧其初源，而以重源所發之巴顏喀喇爲昆侖，因致斯誤矣。海水自白，河水自黃，不相涉也。又東南注鄂凌海，海在札凌東五十餘里。周亦三百餘里，形如匏瓜。西南廣，東北狹。番語謂青爲鄂言水色青也。卽元史所謂滙二巨澤名阿刺腦兒者也。使札凌爲河色白，然則鄂凌又爲河色青乎。足證札凌鄂凌皆因海內稱矣。由海東北流出，折東南，南抵巴顏渾嶺下，復正南流百五十里，水色始變綠，而黃。又東南流，曲曲七百餘里，繞大雪山。南古積石山也。番名阿木尼麻禪母遜阿林。阿木尼謂祖麻禪，謂險惡。母遜謂水猶言大冰山也。山自巴顏喀喇東來，當黃河北岸。縣互三百餘里，上有九峯甚高，冬夏積雪，在西甯邊外西南

五百三十餘里元史謂之亦耳麻不莫刺黃河依山南麓東流折而東北有三坤都倫河前後自東南來注之
三坤都倫者一日德特坤都倫出賴楚山西北流三百餘里入黃河卽元史納鄰哈喇河自白狗嶺北流者一日都爾達都坤都倫出納克多木精山西北流屈曲三百數十里入黃河當河流自南轉東北處卽元史乞里馬出河自威茂州西北岷山之北北流者一日多拉坤都倫源出岡嶺山西北流六百數十里入黃河正當大河於烏蘭莽隰山麓折而西北流之處卽元史鵬穆河自鵬穆山西北流七百里過札塞塔失地與河合者黃河既納出此三水勢益盛至烏蘭莽隰山下始折而西北流二百里小哈柳圖河自東北來入之小哈柳圖源出東北魯察布拉山二源西南流百里合又八十里西入河當游牧西土爾扈特南前旗東舊圖謂之巴哈哈圖又曰巴罕哈

至和托果爾希里克

接土爾扈特南前旗界

西至巴爾鄂博巴彥

東至拉布楞希拉得布沙

接南右翼南前旗界

烏拉

接南左翼中旗界北至額爾德尼布

烏魯勒卜達巴

接貴德
應界

前左翼頭旗札薩克多羅郡王游牧碩實汗第

三子達蘭泰之子袞布

一作固木布

號阿齊巴圖爾康熙四

十三年以先諸台吉內附封多羅貝勒四十四年卒子

額爾德尼額爾克托克托爾襲

一統志作厄爾德尼
俄爾克他克他耐

五

十五年

詔分領青海左翼雍正元年敘進藏功

晉封郡王三年授札薩克乾隆四十七年

詔世

襲罔替

佐領

牧地

案舊圖此爲公嘎爾丹達什牧地貝勒額爾德尼額爾克托克托爾牧地

在烏爾木倫河北額集納河南

初袞布游牧嘉峪關

外鄰哈密準噶爾及諸回使往來必經之順治十三年

葉爾羌回長遣使入貢抵肅州袞布以葉爾羌嘗奪其
屬將襲之甘肅巡撫周文煜從貢使至甘州袞布挈千
餘騎分道入闕官軍嚴備遁歸卒不敢爲邊患及羅卜
藏丹津叛以額爾德尼額爾克托克托爾不附已掠其

游牧額爾德尼額爾克托克托爾拒之不敵所部多卻走因攜妻閒道至甘州乞援子阿喇布濟索諾木達什等集眾應戰七日賊始退率屬眾來歸貝在大通河南子延信置之蘇油口內亂定乃歸游牧

岸大通河源出青海西北阿木尼尼庫山南諾爾東南流曰烏崗木倫河東百五十里有哈爾渾河自北來

注之又東北曲曲流南受一水又東北有滿楚喀河自西北來會東經甘州邊外番大山東南流入百里北受

小水六南受小水五至西大通堡南又東南會遼水又東南入黃河即古浩登水也河北爲西右翼前旗游牧

地案前左翼頭旗及西右翼前旗皆駐牧在青海北瓊科地方平番奏議青海迤北瓊科地方甚爲寬廣足

敷各旗駐牧注五見緯羅斯部南右翼頭旗下東至阿木達賴台接西右翼南

至固爾班塔拉之北沙拉圖及東北右翼旗西至齊擦擦

呢布楚勒接甘州府北至巴彥布拉克接涼州府西後

旗札薩克多羅貝勒游牧郡王策旺喇布坦從子達顏

祖多爾濟父薩楚墨爾根台吉相繼爲青海右翼長康

熙三十年達顏嗣五十五年以議遷達賴喇嘛瑚畢勒

罕事定 詔分領青海右翼是年十二月來朝封

多羅貝勒有番族曰瞻對在雅龍江西境其祖爲瑪什喇札木禪明成化中入貢給之印再傳至多

爾濟布木子二長革松嫩次按撒不相能革松嫩子琳

沁布及孫策冷旺布屯牧瞻對按撒搆子策冷札布徒

奔霍爾附青海說多爾濟以兵侵瞻對掠番屬二千餘

戶策冷旺布女弟之夫曰喇瑪布屯牧喇衰與定謀內

附納其土及民數瞻對屬番三千戶喇衰屬番千戶且

獻明所給印會策旺喇布坦遣宰桑取霍爾賦使以私

至打箭鑪詭稱多爾濟及子薩楚墨爾根孫達顏相繼

徵瞻對賦瞻對久爲青海屬請勿納我守汛臣遺書詰

之策旺喇布坦稱宰桑辭誣且謝罪 詔長側冷

旺布及喇瑪布官爲內屬即隸秦甯協阜和營之瞻對

喇衰二安撫司也策旺喇布坦卒其妻額琳沁旺布謀

奪霍爾諸地達顏以策旺喇布坦恤育恩弗與校側冷

札布忌策冷旺布內附。攘附牧地。

遣官往勘。知

霍爾爲達顏屬。

飭額琳沁旺布給之。復

諭達顏遣使霍爾察歸所攘瞻對地。

以

五十七年卒。子

宰桑等監之。達顏奉

命惟謹。

旺舒克喇布坦嗣。六十一年卒。無嗣。達顏妻玉木楚木

察罕達喇請以達顏弟噶勒丹岱青諾爾布之子達什

車凌嗣。詔降襲固山貝子。噶勒丹岱青諾爾布

初爲閒散台吉。雍正二年。羅卜藏丹津奮之叛。不從。迎

降大軍。復以兵擊賊黨。敘功。封固山貝子。世襲罔替。青海

世爵自此始。噶爾丹岱青諾爾布尋卒。其妻請以達什車凌

襲襲之。詔從優。加恩併兩貝子爵爲貝勒。仍世

襲罔替。三年。授札薩克。佐領牧地。康熙五十四年。準噶爾侵哈密。敗遁。議撤

噶斯駐防兵以達顏屬台吉等游牧柴達木通噶斯之
察罕齊老圖遺侍衛等駐其地五十五年

詔選所部

兵屯噶斯跨柴集河其水北注鹽池池在青海西南

鹽蒙古名

達布遜淖爾其水自錫喇庫特爾山之莫和

爾河與布拉克地察罕烏蘇河西來匯爲此池又自池

東南流出經百餘里會西來之巴爾虎河又七十餘里

柴集河自東南來入之名曰鹽河復東南流六十餘里

淪於功額池凡青海蒙古與西甯一郡軍民並各種蕃

回食鹽皆取給于此案十三排圖此爲台吉額爾德

尼巴圖爾牧地貝勒達顏牧地在天沁察罕哈達之西

博爾淖爾之北又功額淖爾與克爾特黑淖爾殷德爾

圖淖爾三池俱峙如鼎足然但不相通注爾功額周五

十餘里其北有細納池周四十餘里西南有奇爾多克

池周二十餘里地皆沙鹵鹽池之水淪入於內理藩

院則例青海迤西迤北爲產魚鹽之地准窮若蒙古挖

鹽捉魚講領各該旗王公札薩克台吉照票運往東至

丹噶爾西甯大通一帶售賣易換布匹口糧等物

錫喇鹽海子察罕托羅海接南左翼大旗及達賴南至

合約爾巴爾古接土爾扈特中旗界西至布隆吉爾河源接南左翼後旗

界北至果庫圖爾希拉庫圖爾接喀爾喀南右翼旗界北右翼旗

札薩克固山貝子游牧顧實汗第七子瑚魯木什順治

六年助大軍討河西逆回復招降西甯城賜巴

圖爾額爾德尼岱青號有子四長根札再傳絕次哈坦

巴圖爾次達爾巴次秉圖康熙四十四年哈坦巴圖爾

率遺疏為子達什惇多布求恤詔封輔國公尋

率無子五十七年準噶爾襲藏命青海諸台吉

往援時達爾巴之孫車凌惇多布孤幼母楚克賚納木

札勒以所屬唐古特兵萬從軍大軍入藏毀獻糧餼確

正元年議功

特賜車凌惇多布貝勒爵尋附羅

卜藏丹津叛大軍至迎降

詔置伊克烏蘭和碩

給茶麥養之事定降固山貝子三年卒無嗣以其從祖

秉巴之次子丹巴襲授札薩克乾隆四十七年

詔世襲罔替

佐領六

牧地

案舊圖此爲台吉色布騰台吉策凌惇多布牧地策凌惇多布

卽車凌惇多布也

在青海北岸

有伊克烏蘭和碩巴哈烏蘭和碩二河在游牧西西北自庫德

里山南流百餘里入庫庫諾爾

東至沙拉哈吉爾

接青海

南至庫庫諾爾齊津

接綏羅斯南右翼頭旗界

西至吹吉烏立

圖阿拉爾

接綽羅斯北中旗界

北至烏蘭和碩

接前左翼頭旗界

北左翼

旗札薩克貝勒品級固山貝子游牧顧實汗第八子桑

噶爾札生子塔薩博羅特號和碩特子二長惇多布達
什次索諾木達什康熙四十四年惇多布達什封輔國

公

初青海台吉內附

惇多布達什及索諾木達什幼且親至是親王達什巴圖爾奏諸昆

避痘未入

弟子姓惟瑚嚕木什及桑噶爾札裔未

賜爵因有是命雍正元年敘入藏功晉

鎮國公未幾卒羅卜藏丹津叛以索諾木達什鄰牧誘
擒之尋脫歸 詔封固山貝子給上等產業青海

定遣歸牧三年授札薩克次子噶勒丹旺札勒第三子

莽鼐相繼襲莽鼐卒子羅卜藏色布騰襲乾隆三十一

年以不嚴防汛罪

郭羅克番掠所部牧畜逸走

削札薩克改授閒散

貝子以其弟巴濟勒特代掌札薩克降授一等台吉四

十七年。詔世襲罔替四十九年。子拉札布襲五

十六年卒。詔仍以羅卜藏色布騰襲。復因大兵

征廓爾喀巡綽臺站功。賞給貝勒品級。佐領牧

地。案十三排圖。牧地在布隆吉爾河南。爲貝勒達顏之

阿爾巴圖駐牧處。地盡沙磧。烏爾烏蘇河出東南。沙

磧中。西北行五百餘里。入達布遜淖爾。東至哈喇諾爾。接北右南至科爾

魯克。接西右翼西至窩果圖爾。接嘉峪北至伊克柴達

木。接肅州南左翼後旗札薩克輔國公游牧。顧實汗長

子達延鄂爾齊汗之次子多爾濟。子垂庫爾。生子五。長

噶爾丹達什。康熙三十六年。從達什巴圖爾內附。五十

年。封輔國公。雍正元年。敘入藏功。晉鎮國公。一統志作

海有護國公爲一卽此也三年授札薩克子丹津納木札勒索納木

巴勒濟相繼襲卒皆無嗣乾隆十三年詔以索

諾木哀布鄂齊爾汗第三子次子之子索諾木多爾濟襲降授

輔國公承噶爾丹達什祀四十七年詔世襲罔

替佐領牧地案舊圖噶爾丹達什牧地在大通河南岸

一平番奏議葉什羣族番子各騎馬持械至胡丹度地

方搶得錫第公旗下牛馬羊及錫第公帳房內璵韞等

物案錫第爲索諾木多爾濟之弟表作喇特納錫第東至吉噶素台鄂蘭布拉克

接喀爾喀南南至和洛海接土爾扈特南中旗界西至布都克圖

烏蘭和碩接北末旗界北至青海北前旗札薩克輔國公游

牧鄂齊爾汗季子墨爾根諾顏子二長車凌康熙五十

年封輔國公雍正三年授札薩克乾隆四十七年

詔世襲罔替

佐領

牧地在青海西岸

案圖牧地當布喀河南岸東流

入青海處又康熙圖此爲貝勒噴蘇克王札兒忒黑巴及公達什公多普駐牧處十三排圖此爲貝勒彭蘇克旺札爾駐牧處平番奏議乙旦木等各騎馬持械行至塔爾蓋地方見格勒克拉布濟公旗下蒙古昂貨年達克等十五戶在彼牧放案格勒克拉布濟車凌之曾孫也東至科依特陀羅海接南左翼後旗及綽羅斯北中旗界南至柴吉希巴立台接南左翼後旗界西至車吉接北末旗界北至哈達圖接甘州府邊外界南右翼後旗札薩克

輔國公游牧鄂齊爾汗第五子索諾木達什康熙五十

年封輔國公五十一年卒次子諾爾布朋素克襲雍正

元年敘進藏功增俸三年授札薩克四年卒嗣子達什

巴勒珠爾襲七年卒無嗣。

詔以其從祖索諾木

袞布之子車凌襲承索諾木達什祀乾隆四十七年。

詔世襲罔替。

佐領四。

牧地在青海東岸。

案圖牧地在

北巴哈淖爾之東坤都倫河自察罕鄂博圖山兩源不

十里而合南入西甯河有

世宗憲皇帝聖製碑

在旗

東至賀爾

接西甯府邊外界。

南至哈沙圖

接南右翼末旗界。

西至

哈拉素布魯漢

接東上旗界。

北至庫庫諾爾

接前左翼頭旗及西右翼前旗

界

西右翼中旗公中札薩克一等台吉游牧願實汗伯

兄哈納克土謝圖孫圖瑚爾綽克圖

哈納克土謝圖祖博貝密爾咱始稱

衛拉特汪越四傳至圖瑚爾綽克圖皆世爲長嗣。

生子四次達木巴達爾濟次

僧格僧格之子車凌納木札勒康熙三十六年從達什

巴圖爾內附雍正元年羅卜藏丹津脅之叛不從游牧

被掠集昆弟子姓來歸自編屬丁爲佐領青海定。

遺歸牧三年設公中札薩克

猶滿洲蒙古八旗之公中佐領也。凡三

十三台吉以車凌納木札勒領之授一等台吉十年卒無嗣。

詔以達木巴達爾濟之子巴勒襲乾隆四

十七年。

詔世以公中議襲

佐領

牧地跨柴達木

河

案圖牧地在柴達木河南舒哈河自游牧西無名海子流出西北入於沙柴達木河出河源北托遜淖爾

西流至西拉珠爾格格塔拉阿拉克淖爾水東來入之合而西北流格德爾古河烏蘭烏蘇河布隆吉爾河俱自

其東注之又西入於沙青海圍都藍寺至色爾開莊約六十餘里色爾開至南柴達木約四百餘里南柴達木

蒙古駐牧至玉樹約入百餘里托素諾爾至南柴達木約三百餘里北柴達木駐牧蒙古無所至里數方略

雍正七年十一月議政大臣議覆噶斯駐兵事宜噶斯地窄可駐兵百人餘並駐柴達木柴達木之西爲得卜特爾駐兵六百又西爲察罕烏蘇駐兵四百兩地水地足資游牧所在聲援更聯屬矣九年七月

上諭

柴達木之北伊遜察罕齊老圖地方乃直達安西沙州之路爲巴里坤軍營之後戶最爲緊要此處或駐兵一千名或入百名建築小城一座以

東至諾木罕河

接西翼

爲捍禦再設喀倫以瞭望賊蹤

西至滔賚

接嘉

後旗南至諾木罕木魯

按玉樹番界巴顏喀喇山在旗南

西至滔賚

北至希勒沿

接北左翼旗界

西右翼前旗札薩克一等台

吉游牧貝勒納木札勒之弟

納木札勒南左翼未旗

阿喇布坦雍

正元年羅卜藏丹津舊之叛不從三年授札薩克一等

台吉乾隆四十七年

詔世襲罔替

佐領牧地在

大通河北岸

其南岸爲前左翼頭旗牧地

東至察罕阿爾吉永安

接西

甯府大南至約呼賚口。接南翼未旗界西至柴達木察罕巴彥

托羅海。接前左翼頭旗界北至希立永安。接涼州府邊外界南右翼中

旗札薩克一等台吉游牧博碩克圖濟農長子岱青巴

圖爾有子三長阿喇布坦札木素康熙五十九年封輔

國公雍正三年授札薩克乾隆五年卒無嗣。詔

以其弟悼多布鄂木布之子達什納木札勒襲卒嗣子

禮塔爾襲時達什納木札勒有子隆賚幼禮塔爾母匿

不告四十年郭羅克番掠青海牧禮塔爾爲所戕駐劄

西甯大臣以隆賚狀聞。詔降襲札薩克一等台

吉四十七年。詔世襲罔替。佐領五收地案舊圖台

札木蘇收地在魯察布拉山之東當枯
枯烏蘇河源其北爲阿齊諾門罕牧地
當魯察布拉山之西魯察布拉舊作羅插普喇又作魯又蒲拉即禹貢
之西魯察布也一名西疆山亦名嶺臺山在洮州
西南三百三十餘里史記夏木紀道九山索隱九山古
分三條馬融以西傾爲中條鄭康成分四列併爲陰列
西傾次陰列漢書地理志隴西郡臨洮禹貢西傾山在
縣西北史吐谷渾傳阿豺升西疆山觀洮江源水經注
沙州記曰洮水與墊江水俱出嶺臺山山南即墊江源
山東即洮水源嶺臺西傾之異名也括地志西傾山今
嶺臺山在洮州臨潭縣西南三百六十六里元和志
臺山在臨潭縣西南三百里一統志西傾山番名羅插
普喇山近黃河自東折而西北之東岸縣互千餘里凡
黃河以南諸山無大於此者洮河發源於此舊洮州
志西傾山延袤東至庫克烏松接循化廳界平番奏
千里外跨諸羌
二種熟番十八族生番五十二族大半皆有糧地又與
四川之松潘相近購辦川茶自行運買生業較爲充裕
惟該處有拉布浪宗卡隆務三大寺招住喇嘛不下二
三萬人未免易藏奸宄道光二十六年六月陝甘總

督布彥泰陝西巡撫林則徐奏剿洗黑錯寺喇嘛及濟
惡各番情形竊照循化廳卡外之黑錯寺地方番族眾
多素稱獷悍其在寺內爲僧者亦係該處番子平時則
率衆行劫犯案則匿犯抗官其頭目所管職事有番佐
捏勒巴吉哇等名色皆係該寺喇嘛輪換充當遇有動
眾之事一切號令悉由寺內傳出各莊番族無不聽從
該寺坐落西北山谷之間路迴徑窄我兵欲攻先須清
理番莊臣達洪阿當將周圍路徑探確於閏五月十一
日寅刻帶兵進剿經過番莊隨燒隨進內有索莽古鹿
一處伏賊甚多經官兵用大礮轟洗道行近該寺山口
有馬隊紛出迎敵當分兵爲兩翼一由池南山嶺進發
一由池北山嶺夾擊臣達洪阿由中路山溝抄入將該
寺放火燒燬光燄徹宵次日查點所燒番莊共三十餘
處寺內本有僧院四百餘所俱成灰燼洮州河州附近
民人來觀者同聲稱快理藩院則例一奎屯希哩鄂
倫布曲瑪爾屯次卡倫三處爲循化貴德門戶三卡中
間又有小隘口十餘處皆路通番子地方特派頭目三
名分駐各舉可靠番子分管小隘口常川駐守統歸總
頭目鈴轄一循化貴德兩營每年霜降以前循化參將
貴德游擊豫先定期會同兩廳各帶兵一百名穿越番

地至清水河交界會閱一次。一河州關外循化貴德蘭門以外該地方官酌定日期每月准民人貿易二次。喇嘛寺院均不准開設棚廠。店口嚴禁匪人出入。南至齊克特尼諾爾。接土爾扈特南前旗。

界十三排圖作濟克西伊淖爾在哈沙圖淖爾之西都拉坤都河之北。西至僧格圖木齊。

接南左翼北至庫克烏松西山。接貴德廳界。平番奏中旗界。議貴德所屬有生熟野

番三種熟番五十四族向來種地納糧均能謀食生番十九族居貴德東南畜牧爲生距河稍遠惟野番八族戶口強盛內有汪什代克一族近已全數移南左翼中居河北其餘七族現在插帳河濱遠難控制。

旗札薩克一等台吉游牧博碩克圖濟農次子墨爾根

諾顏子拉察布生子三長察罕喇布坦次旺舒克喇布

坦次旺舒克。旺舒克別襲察罕丹津所遺札薩克親王爵事見前。康熙五十年封

拉察布輔國公五十五年晉固山貝子雍正元年敘入

藏功。晉多羅貝勒。未幾附羅卜藏丹津叛。大兵至。懼。討奔巴爾喀木子察罕喇布坦等迎降。招拉察布至。

詔降爲鎮國公。三年。宥罪授札薩克。

徐星伯太守藏有內府十三排

開穆手摹之而不能定爲何時所續。今案康熙圖黃河北岸。哈克圖河南。爲貝色拉。又普駐牧處。卽貝子拉察布也。十三排圖同。而貝色拉又普作貝勒。拉察布。據傳拉察布於雍正元年封貝勒。旋叛削爵。然則十三排圖乃雍正初年所續舊稱。爲乾隆圖者非也。九年。土爾扈特族諾爾布叛。拉察

布復附之。察布喇布坦諫不從。搆之。由索羅木河遁。副都統達爾率兵追之。察罕喇布坦降。拉察布亦悔罪歸。

青海牧

諭交察罕丹津嚴行管轄。授察罕喇布

坦札薩克一等台吉。乾隆二年卒。子多爾濟色布騰襲。

四年卒無嗣。

詔以旺舒克喇布坦襲三十二年

卒。子納罕多爾濟襲。三十六年。

詔襲其從兄旺

丹多爾濟帕拉木所遺札薩克。授多羅郡王爵。前頭弟

羅卜藏丹旌襲所遺札薩克一等台吉。四十七年。

詔世襲罔替。四佐領牧地西濱黃河。有恰克圖河。東南

來流入之。恰克圖河在洮州廳西六百餘里。黃河東岸源出伊克圖爾根山。東北流折而北。會巴哈

圖爾根山之水。折而西北流百餘里。有伊西克山之水。自東北來會。又西北入黃河。又有碩爾渾河。舊圖作碩

爾郭爾。在恰克圖河之北。源出古爾班圖爾哈山。會三

小水。西北流入黃河。案碩爾渾河。今圖南會恰克圖河

以入於東至巴哈圖爾根。接前頭南至阿爾坦果爾。接

黃河。旗界西至伊克圖爾根。接阿里北至巴哈圖爾根。接察

番界。罕諾

們罕游
牧界

北左末旗札薩克一等台吉游牧札薩克郡王

額爾克巴勒珠爾

西前旗

次子伊什多爾札布雍正元年

羅卜藏丹津脅之叛不從三年授札薩克一等台吉乾隆

隆四十七年

詔世襲罔替

佐領四

牧地

案十三排
此爲貝

勒達顏
牧地

東至柴吉齊沁

接北前旗界

南至鹽海

接玉樹
番界

西至

哈唐和碩

接西前旗界

北至和特克

接甘州府
邊外界

北右末旗札

薩克一等台吉游牧墨爾根台吉第六子額璘沁達什

初封固山貝子晉多羅貝勒以附羅卜藏丹津叛削爵

有子三雍正三年授次子達瑪璘色布騰札薩克一等

台吉乾隆十四年卒無嗣弟博貝襲二十五年卒無嗣

詔以額璘沁達什長子巴特瑪色布騰之子旺

札勒襲四十七年。

詔世襲罔替。

佐領

牧地在布

喀河源沙爾諾爾之西。

布喀河在青海西源出青海西北三百餘里阿木尼厄枯山南

名喀喇錫納河。

南流一百餘里與英額池水會池周一百五十餘里。木道銀十餘里其水東南流一百餘里會於

喀喇錫納河復東南流六十餘里至天沁察罕峯北與

沙爾諾爾水會即舊圖所稱善池也。諾爾周六十餘里

其水東流至天沁察罕峯前亦入喀喇錫納河又東流

七十餘里受北來之羅子河。西爾哈河又東流七十餘

里注青海其河受六大水。岸闊流深夏月人不可渡。青

海左右諸水無大於此者。一統志按唐書吐蕃傳開元十四年吐蕃大將悉納邏攻甘州會大雪乃踰積石塞趨西道以歸隴右節度使王君奐豫遣謀出塞燒野艸皆盡悉諾邏頓大非川無所牧馬君奐率秦川都督張景順窮蹙出青海西方冰合師乘而度於時鹵已喻大非川。詔輔重疲弱君奐縱兵俘以旋據此則大非川濱

青海西卽今布喀河也。唐時爲入蕃西道。胡三省通鑑

注云。在鄯州西三百餘里。道里太近。又引十道圖在青

海南。疑東至色爾柯克達巴。接甘州府南至察罕陀羅

非是。邊外界

海。接西左翼西至薩爾魯克。接北左北至庫爾魯克。接

後旗界州邊東上旗札薩克一等台吉游牧。顧實汗第四子巴

延阿布該阿玉什有子十六。分牧青海及西套。札布其

季也。留處青海。留處青海者四。曰札布。曰阿康熙三十

六年。從達什巴圖爾內附。雍正三年。授札薩克一等台

吉。轄其族。乾隆四十七年。詔世襲罔替。左領收

地在青海東北岸。東至阿拉賴達巴木魯。接南右翼南

至柴吉。接綽羅斯右西至青海。北至烏爾冏希巴立台。

翼頭旗界

長古存收記十二 青海和碩

書

接前左翼頭旗界。南左翼次旗札薩克一等台吉游牧郡王額

爾德尼額爾克托克托爾子四長阿喇布濟雍正三年

授協理台吉九年以功晉一等台吉未幾令額爾德尼

額爾克托克托爾於諸子中選擇可襲王爵者封其第

三子索諾木丹津為長子阿喇布濟晉輔國公尋卒次

子索諾木達什嗣協理台吉阿喇布濟子多爾濟襲輔

國公乾隆十一年額爾德尼額爾克托克托爾請以所

屬十佐領給索諾木丹津十之六給第四子車凌多爾

濟十之四以索諾木達什隸索諾木丹津以多爾濟隸

車凌多爾濟別設一札薩克允之授多爾濟札

薩克一等台吉四十七年

詔世襲罔替

與前左翼頭旗

共佐領九牧地

案康熙圖此爲親王魯普藏丹巾有鹽池此

領九牧地衣忒黑巴牧地卽羅卜藏丹津也

鹽池卽柴集河水所注

東至沙拉圖

之池注見西後旗下

接達賴喇嘛商南

上堪布駐牧界

至海達克

接土爾扈特

西至努克孫山鄂昔齊

接西後旗界

北至烏蘭墨爾河

接維羅斯南右翼頭旗界

南左翼末旗札薩克一

等台吉游牧願實汗次子鄂木布號車臣岱青順治六

年助大軍討河西逆回復招降西甯城賜土謝圖巴圖

爾岱青號卒長子墨爾根台吉嗣 詔去巴圖爾

號襲土謝圖岱青號卒子納木札勒襲自號額爾德尼

康熙三十六年入 覲封多羅貝勒仍襲土謝圖

岱青號卒。子羅卜藏察罕襲。雍正元年附羅卜藏丹津叛。旋悔罪降。

詔置西甯口外給茶麥養之事定。

議罪削爵三年。

命仍領游牧眾授札薩克一等

台吉。六年來朝封輔國公。乾隆七年卒。子多爾濟色布

騰降襲一等台吉。四十七年。

詔世襲罔替。佐領

牧地。

按康熙置自博洛沖克河源北岸東至西甯邊外冬科爾廟爲公諾拉布噴楚克公又林貝勒色

普吞札爾忒黑巴台基蘇爾札忒黑巴牧地十三排圍

羅卜藏察罕牧地在扁都口外大通河北岸又西爲貝勒巴爾朱爾拉布坦牧地方略康熙十三年秦蜀道

梗鄂木布以所部兵屯大艸灘外其地饒水艸因來徙牧爲守汛者所禦復乞屯牧黃艸灘亦不允嗣納木札

勒亦屢以爲言論曰雖四十九旗蒙古未有令

游牧內地者借博羅充克克河源博羅充克克舊作波

所請仍不允

字卽古遑水一名洛都水者也。在西甯府西北邊外。常
青海之東源出噶爾藏嶺。元人所謂祁連山。明志之熱
水山也。有三泉。一曰伊克烏拉。古兒台。一名土爾根。烏
拉。古爾台。一名察哈烏拉。古爾台。南流二十餘里。匯爲
一水。名博羅。充克河。其東有布虎圖嶺。二泉亦南流
三十餘里。台曰昆都倫河。東南流三十餘里。與巴哈圖
河合流六十餘里。入博羅。充克河。又東南流七十餘
里。至棟科爾廟。南有土爾根察罕河。自西南五十餘里
來。會水勢始盛。轉東流四十餘里。入西甯邊鎮。海營。是
爲西甯河。卽遑水也。又東流三百餘里。南至莊浪衛。降
唐堡。入大通河。漢書地理志金城郡臨羌。西北至塞外。
有西王母石室。僊海鹽池。北則湟水所出。東至允吾。入
河水。經注。湟水出塞外。東逕西王母石室。西海鹽
池。北又東南流。逕龍夷城。故西零之地也。又東南逕卑
禾羌海。北有鹽池。世謂之青海。東流逕湟中城北。故小
月氏之地也。又東右控四水導源。四溪東北流。注於滄
又東逕赤城北。而東入逕戎峽口。右合羌水。又東逕臨
羌縣。故城北。又東盧溪水注之。又東逕臨羌縣。故城
南。又東右合溜溪。伏溜石杜。悉四川左會臨羌溪水。又
東龍駒川水注之。又東長甯川水注之。又東牛心川水

注之又逕西平城北又東逕東亭北東出漆峽東流右則漆
東右合蔥谷水又東逕東川水入焉又東安夷川水注之
谷常溪注之右則甘夷川水左合宜春水又東勒且溪水
又東逕安夷縣故城又東左合宜春水又東勒且溪水
注之又東左則承流谷水南入右會達扶東西二溪水
東流期頓雞谷二水北流注之又東吐那孤長門兩川
南流入之又東逕樂都城南東流又合來谷乞斤二水
左會陽非流溪細谷三水東逕破羌縣故城南六谷水
自南破羌川自北左右翼注之又東逕小晉興城北又
東與閭門河合卽浩亶河也又東逕允吾縣北爲鄭伯
津與澗水合又東逕允街縣故城南又東逕枝陽縣逆
水注之後漢書注澗水一名洛都水西自吐谷渾界入
在今湟水縣元和志澗水一名湟河亦謂之洛都水出
青海東北亂山中東南流至蘭州西南入黃河唐書吐
蕃傳渾水至濛谷抵龍泉與黃河合元史河源附錄朱
思本曰渾水源自祁連山下正東流一千餘里注浩亶
河與黃河合一統志案明統志有西甯河在西甯衛城
北源出熱水山北流五百里經伯顏川又合那海川流
五百里入黃河卽澗水也無說西川河源出西塞外海
夷部落東流由石峽入境至衛西北受北川河又東合

南川河而經城北名西甯河又至衛東北受沙塘川水
又東南經碾伯堡名湟河又東南接莊浪所界合西大
通河又東合莊浪河又東南至蘭州西南入黃河穆案
北川河番名阿爾坦河源出西甯邊外北五十餘里至
爾坦山南流一百五十餘里會二小水入北川河又南
流五十餘里入西甯北川邊內又東南流八十餘里至
西甯城南入湟河南川河番名西喇苦特河源出西甯
邊外西南五十餘里西喇苦特山東北流四十餘里入
西甯南川邊內爲南川河又六十餘里至西甯城西北
入湟河又喀喇河在西甯邊外西北湟河之東源出察
罕鄂波圖嶺合二小水東南流八十餘里東至囊吉立圖
里入西甯邊內又流五十餘里入湟河東至囊吉立圖
巴爾布哈接西甯府丹噶爾界南至圖祿根河接輝特南旗界西至恰克
圖北山木魯接東上旗界北至恰克圖河接西右翼前旗界南右翼
末旌札薩克一等台吉游牧羅卜藏達爾札號車臣岱
青父卓哩克圖岱青願實汗次子鄂木布之次子也康

熙三十六年。和碩特諸台吉入

覲。羅卜藏達爾

札幼。不獲至。母阿勒達爾以聞。

詔封輔國公。五

十年來朝。晉固山貝子。尋授盟長。六十一年卒。子濟克

濟札布降。襲輔國公。雍正元年。羅卜藏丹津脅之。叛。二

年降。議罪。削爵。三年。

詔仍領游牧眾。授札薩克

一等台吉。乾隆四十七年。

詔世襲罔替。佐領牧

地。案康熙圖此為俄魯多尼台基阿布基牧地。十三排

在大通河南岸。沙在黃河北岸。有錫尼諾爾。案諾爾在

南岸與烏蘭河北入黃河之處相直。黃河東至烏蘭布

拉克。接輝特南旗界。烏蘭布拉克河源在青海東南百

里。有泉百餘。沙遠望亦如星宿海。會為一河。東南

流三十餘里有二小水自北合而來會又東南七十里入黃河案十三排圖烏爾布拉河入黃河之處曰襍羊峽其南岸爲貴德廳治南至黃河舒爾古勒渡口接察罕諾所屬四十八戶番子地們罕喇嘛遊牧界西至希拉珠爾格西山木魯接達賴喇嘛商

北至巴顏布拉克接南右翼後旗界西右翼後旗札薩克一等

台吉游牧瑚魯木什第四子秉圖生子二長色布騰博

碩克圖次丹巴襲車凌惇多布札薩克貝子爵初爲閒散台吉雍正元年

羅卜藏丹津裔之叛不從三年授札薩克一等台吉乾隆

四十七年詔世襲罔替佐領收地跨柴達木

河東至希昔接西左翼後旗界南至諾們罕木魯接玉樹番界西至

烏拉斯台接西右翼中旗界北至柴達木接北左翼旗及西左

翼後旗札薩克一等台吉游牧顧實汗弟色稜哈坦巴圖爾有子十一其第七子曰茂濟喇克再傳至哈爾噶斯雍正元年羅卜藏丹津脅之叛不從三年授札薩克一等台吉乾隆四十七年

詔世襲罔替佐領收

地跨柴達木河

案和碩特之游牧青海者自顧實汗裔十九札薩克外別設札薩克二一爲顧

實汗兄弟色稜哈坦巴圖爾裔以哈爾噶斯領之一爲顧

實汗弟色稜哈坦巴圖爾裔以哈爾噶斯領之一爲顧

秦漢河北蒙古台吉恩開巴雅爾駐牧柴達木額色爾

津地方去西甯一千六百餘里案恩開巴雅爾表作恩

克巴雅爾哈爾噶斯之曾孫也東至巴彥陀羅海接班禪額爾德尼南

至桑陀羅海接玉樹番界西至烏爾圖接西右翼北至瑪尼

圖沙納圖接北右末旗界右二十一旗舊圖黃河南岸有公策

旺多爾濟一旗無考

與綽羅斯二旗輝特一旗土爾扈特四旗喀爾喀一旗凡二十九旗及察罕諾們罕爲一盟不設盟長以西甯辦事大臣泄之

青海綽羅斯部故準噶爾族也乾隆十九年準噶爾平其族遂微存者不復著舊號附收賽音諾顏部者曰額魯特二旗與賽音諾顏部同盟附牧青海者曰綽羅斯二旗南右翼頭旗札薩克多羅貝勒游牧準噶爾族舊游牧阿爾台噶爾丹之父巴圖爾輝台吉外子僧格嗣爲準噶爾長其異母兄車臣卓特巴巴圖爾以爭屬產與僧格隙劫殺之噶爾丹爲僧格同母弟歸自唐古特執

車臣殺之。卓特巴巴圖爾奔青海。康熙三十六年，噶爾丹平。遣使招撫青海。時卓特巴巴圖爾卒。子色

布騰札勒幼，不獲從。和碩特諸台吉至，四十二年來朝。封多羅貝勒。雍正元年，羅卜藏丹津脅之叛，不從。陰遣使告，復以開諭逆黨悔罪內附功，晉封多羅郡王。亂定，王大臣議勿令隸和碩特族。允之。三年，授札薩

克。子車凌喇布坦，孫索諾木多爾濟，相繼襲。乾隆二十三年，索諾木多爾濟卒，無嗣。詔以色布騰札勒

次子車凌圖勒木之子色布騰多爾濟襲。三十年卒，無

嗣。以其從祖車木伯勒襲。

車木伯勒之祖，達哩，爲巴圖爾輝台吉季子，從兄卓特

巴巴圖爾從牧青海子丹巴有子
二長丹津早卒次卽車木伯勒
降授多羅貝勒四十

七年

詔世襲罔替

佐領

牧地當青海東南岸

地牧

在謨爾木山之陽曰察罕陀羅海其南有巴顏淖爾東
北有蒙古圖布拉克會東來二水又東北有烏蘭布拉克
克二水合流而西會南來之巴顏淖爾水而爲和爾必
拉北入於青海平番奏議伏查察漢托洛亥之西爲
大山逾山而西爲助勒蓋貢額爾蓋等處原係六旗蒙
古札薩克貝勒特里巴勒珠爾等牧界密邇番地僅隔
一河沿河北岸有七百餘里之遙均成曠土雖大山以
東駐有官兵而相距二三百里野番偷渡無由知之案
特里巴勒珠爾車木伯勒之孫也又奏請於哈勒庫圖
爾西南七十餘里察漢托洛亥地方添設營堡酌安將
弁二十四員兵一千名於阿什罕水地方該處爲哈拉
庫圖爾與察漢托洛亥適中之地聲勢可以聯絡至察
漢托洛亥之西北有瓊科灘方圓二千餘里青海各旗
蒙古全往駐牧儘有餘地前有察漢托洛亥防兵西北
又有察漢俄博之兵西有大山阻截東卽丹噶爾營汛
野番若至瓊科必由察漢托洛亥經過若舍此不由卽

須繞越大山出青海西南回旋不下數千里遠涉東至
行劫勢所不能也案察漢托洛亥即察罕陀羅海
博爾巴齊他爾察罕鄂博哈拉烏素接西南府邊外界南至固

爾班他拉貢諾爾

接和碩特南左翼次旗界

西至窩爾登諾爾伊克

察罕哈達

接喀爾喀南右翼旗界

北至青海北中旗札薩克固山

貝子游牧卓哩克圖和碩齊亦巴圖爾瑄台吉子避噶

爾丹亂徙牧青海依和碩特族有子四其季曰納木奇

札木禪子阿喇布坦

准噶爾族與和碩特世婚察罕丹津弟根特爾既以噶爾丹女爲妻

阿喇布坦爲噶爾丹從子察罕丹津復以女妻之噶爾丹亂既平准噶爾族不附逆者

詔仍游牧青海

聽和碩特族與姻好如故

康熙五十五年來朝授公品級一等台吉

賜札薩克職

時游牧青海之和碩特土爾扈特輝特喀爾喀諸台吉皆未編設旗

隊獨以阿喇布坦領其族給銀幣如公例也。雍正三年晉輔國公乾隆四年

卒子納木札勒車凌襲十五年自青海赴唐古特次喀

喇烏蘇開珠爾默特納木札勒叛馳至布達拉城護視

達賴喇嘛亂定晉封固山貝子四十七年 詔世

襲罔替佐領二牧地案康熙圖此爲台基吹拉克諾母齊駐牧處十三排圖作吹拉克齊

穆在青海西北岸案圖有西爾哈河西北出槐滿阿林東南流又有羅色河西北出庫得里

阿林西南流與西爾哈河合南入布喀河又西北有濟爾瑪爾台河屈曲數十里南入布喀河其南岸卽和碩

特北前東至濟爾瑪爾台接和碩特北南至布喀浴接和碩特北

前特北西至西爾哈落薩接和碩特北北至濟爾瑪爾

台接甘州府邊外界

青海土爾扈特部姓不著。始祖翁罕。六傳至瑪哈齊蒙克生子二。長貝果鄂爾勒克子四。其第三子保蘭阿噶勒琥。第四子莽海。始游牧青海。與和碩特族錯居。順治八年。莽海次子博第蘇克始通貢。自稱青海土爾扈特台吉。初其族隸和碩特。雍正元年。羅卜藏丹津叛。有諾顏格隆者附之。已而乞降。從岳鍾琪剿賊。事定。以習沙門法。宥從逆罪。王大臣議別設旗。分佐領。令勿隸和碩特族。允之。三年。設札薩克四。兩中旗。札薩克一等台吉游牧保蘭阿噶勒琥子車臣諾顏。生拉瑪達什。號圖爾根台吉。子索諾木喇布坦。多爾濟。雍正三年。授札

薩克一等台吉。七年卒。無子。嗣絕。以博第蘇克曾孫棟

襲。四十七年。

詔世襲罔替。

佐領四。

牧地。

按圖牧地當登努爾

特達巴罕之陽舊圖作登諾爾

東至果庫圖爾

接和碩

退東岸當恰克圖河入黃河處

特南左

翼次南至果庫圖爾山木庫爾

接西

西至庫克烏松

後旗

北至袞阿爾台

接喀爾喀南右翼旗界

西旗札薩克一等台

吉游牧莽海曾孫色棱吉斯札布第三子鄂爾齊。

長次裔不

著有子四。長諾爾布。次色特爾布。木。次袞木札布。次拉

蘇。隴札布。雍正元年。羅卜藏丹津叛。諾爾布附之。尋悔

罪來歸。

詔宥之。三年。授札薩克一等台吉。九年

復叛。色特爾布不從。且以兵剿逆黨。

諾爾布以防準噶爾設汛騰格

里乘間叛盜掠汎馬奔徙袁阿爾台庫克烏蘇時和碩特族拉察布附諾爾布叛色特爾布不從且以兵剿拉察布於索

獎賜銀幣襲諾爾布所遺爵乾隆二

羅木河
十一年卒子烏爾占襲烏爾占卒無嗣 命以袁

布札布之子伊達木襲四十七年 詔世襲罔替

佐領收地案圖收地曰阿屯齊老東至袁阿爾台接察

四門罕游南至黃河接阿里克番界理藩院則例循化貴

收界德等處野番內惟阿里克一族係屬

奏明搬至河北歸入蒙古佐領下西至哈爾古爾希立

富差其餘均在黃河以南駐牧接南後南前旌札薩克

接阿里北至庫克烏蘇唐素標旗界南前旌札薩克
一等台吉游牧貝果阿爾勒克弟翁貴生額濟內有子
四長及三其次曰特穆納始游牧青海子三阿勒達爾

最少子二長察罕喇布坦次達爾札雍正元年羅卜藏丹津叛察罕喇布坦偕和碩特親王察罕丹津來歸授札薩克一等台吉九年從諾爾布叛達爾札留牧察罕喇布坦尋被擒 詔免死圖禁西甯以達爾札襲所遺爵乾隆十九年卒子色布騰多爾濟襲卒無嗣仍以察罕喇布坦之子袁楚克襲四十七年 詔世

襲罔替

佐領

牧地有大哈柳圖河入於黃河

案圖牧地在

圖河之南小哈柳圖河之北小哈柳圖河詳和碩特前頭旗下大哈柳圖河蒙古曰伊克哈柳圖在洮州廳西六百餘里黃河北岸源出納莫哈山烏蘭俄爾吉嶺當布庫吉爾地三源東流百餘里折而西南合流又西北流二百餘里入黃河東至古魯半博爾齊沙拉圖

接和碩特南右翼中旗界

至黃河

接阿里克番界

西至宗科爾

接和碩特南左翼中旗界

北至恰克圖

接和碩特前頭旗界

南後旗札薩克一等台吉游牧特穆納次子

阿玉什有子曰拜博號額爾克濟農子丹忠號額爾德

尼濟農雍正元年羅卜藏丹津脅之叛不從三年授札

薩克一等台吉乾隆十年卒子納木錫哩策旺襲十四

年卒無嗣

阿玉什裔自此絕

以族弟都勒瑪札布襲都勒瑪札

布高祖庫德特額濟內之季子也四十七年

詔

世襲罔替

佐領

牧地

案圖牧地當碩羅巴顏哈拉山之陽曰鄂博圖有薩爾哈布齊海河

舊圖作西拉哈普大海自西來屈曲而南有哈爾渾舍里小河舊圖以此爲阿爾坦河自北來會合而南入黃河舊圖又有呼呼烏蘇河在阿爾坦河之西北源蘇羅達巴罕而南入黃河今圖則以和碩特南左翼大旗南

之河爲呼烏蘇乃舊圖之袁厄爾奇河魁騰西里克
布拉克河伊瑪圖河布喀希哈爾喀河四水合而東南
流至托里布拉克入黃之水也又案東至莫古立源
呼呼烏蘇疑卽庫克烏松之譯變
中旗南至袞阿爾台按西西至庫克烏松木魯接班禪
界尼商上堪北至登納吉爾尼接和碩特南
布駐牧界左翼後旗界

青海輝特部一旗姓伊克明安有卓哩克圖和碩齊者生

子第巴號青諾顏始游牧青海附和碩特族方略康熙五十四年

五月宜諭策妄阿喇布坦曰其在我處

之輝特朕亦令回原處完聚於阿拉克山居住雍正二

年王大臣議青海之輝特請別設旗分佐領勿隸和碩
特族允之爾旗札薩克貝子品級輔國公游牧

第巴子五其第四子曰貢格雍正元年羅卜藏丹津裔

之叛不從率昆弟子姓降大軍助剿逆黨三年授札薩

克一等台吉九年以擒獲土爾扈特叛人諾爾布功諾爾

布叛貞格馳兵往擊自喀喇郭勒追至蒙因爾陀羅海獲之檻送大軍晉封輔國公乾隆

四十七年 詔世襲罔替五十六年貢格曾孫達

瑪璘復因大兵征廓爾喀巡綽臺站勞 賞貝子

品級佐領一其族有濟克濟札布者與附牧喀爾喀之

擾其牧徙屬就之輝特輔國公噶勒丹達爾札同祖以羅卜藏丹津

餘仍留處青海 收地當巴彥諾爾之南諾爾在青海

餘里案圖諾爾水西北流出東至巴顏諾爾東山木魯

屈曲三數十里入和爾必拉 接西甯 南至窩蘭布拉克倫里鄂博哈立噶圖接和碩

翼末 旗界 西至博爾楚爾哈立噶圖河接和碩特南 北至納

蘭薩蘭。接和碩特南左翼末旗界

青海喀爾喀部一旗格埒森札札賚爾琿台吉季子鄂特歡諾顏有子二長唐古特墨爾根岱青三傳至通謨克授札薩克輔國公隸札薩克圖汗部次多爾濟阿喇布坦伊勒登徙牧青海子訥克額爾德尼阿海生達什惇多布不復歸喀爾喀部隸和碩特族雍正元年羅卜藏丹津脅青海喀爾喀諸台吉附已訥克額爾德尼阿海從子根惇迎大軍降王大臣議青海之喀爾喀請別設旗分佐領勿隸和碩特族允之南右旗中公中札

薩克一等台吉游牧雍正三年授根惇今職未幾以耆

酒且與本部諸台吉隙不任札薩克職罷之

命

往就通謨克牧

先是噶爾丹侵喀爾喀根惇從多爾濟阿勒布坦伊勒登攜孥奔青海唐古特

墨爾根岱青及子本塔爾岱青巴圖爾前卒孫墨德卓哩克圖亦以避難從至噶爾丹滅乞還喀爾喀因

賜牧阿爾台額爾齊斯烏龍貴界餘仍乾隆三年

留處青海墨德卓哩克圖卒子通謨克嗣

布公中札薩克一等台占四十七年

詔仍世以

公中議襲

佐領

牧地在青海南岸

案圖牧地當青海正南東有和爾河西有

札哈蘇太河中無名河六俱北流入青海其山自東而西有阿木尼塞爾沁阿林伊克哈圖達巴罕巴哈哈

圖達巴罕巴哈哈察罕哈達東至察罕哈達

接綽羅斯南右翼頭旗界南至南山木魯

接綽羅斯南右翼頭旗界

西至鄂蘭布拉克

接和碩特南左翼後

旗北至青海

蒙古游牧記卷之十二

武進趙振禔覆校

蒙古游牧記十二 青海喀爾

七